

# GRØNLANDS POLITI

## Sumiifinni siunnersuisartut malittarisassai

### I. Sumiifinni siunnersuisartut suleriesissaa

§ 1. Sumiifinni siunnersuisartuq ataatsimiittassaaq siulittaasup imaluunniit siulittaasup tulliata pisariaqarsorippagu, taamaattorli ukiumut minnerpaamik marloriartumik. Aammattaaq Sumiifinni siunnersuisartuni ilaasortap arlallilluunniit politidirektøri qinnuigisinnaavaat ataatsimiittoqaqqinnissaanut aggersaaqqullugu.

§ 2. Ataatsimiinnissamut aggersaaneq minnerpaamik sapaatit akunnerinik pingasunik sioqutsisumik pisassaaq.

§ 3. Ullormut oqaluuserisassat siunnersuutit Sumiifinni siunnersuisartut allattoqarfianut nassiunneqassapput kingusinnerpaamik ataatsimiinnissamut sapaatit akunneri marluk sioqqullugit.

*Imm. 2.* Siulittaasoq aammalu siulittaasup tullia eqqartueqatigereerlugit allattoqarfiup ullormut oqaluuserisassat allattussavai ilanngussassaqarpallu ilanngullugit kingorna ataatsimiinnissaq sapaatip akunnerinik ataatsimik sioqqullugu ilaasortanut nassiullugit. Aammattaaq oqaluuserisassat Kalaallit Nunaata Politiivisa nittartagaanni saqqummiunneqassapput.

*Imm. 3.* Ileqqoq malillugu ullormut oqaluuserisassat ukuninnga aalajangersimasunik imaqqassapput:

1. Ataatsimiinnerup kingulliup imaqarniliornerata akuersissusitigineqarnera
2. Kalaallit Nunaata Politiiviniit paasissutissiinerit
  - a. Najukkami siunnersuisoqatigiit nalunaarutaat
3. Naalackersuisunit paasissutissat
4. Kommuneniit paasissutissat
  - a. Kommune Kujalleq
  - b. Kommuneqarfik Sermersooq
  - c. Qeqqata Kommunia
  - d. Kommune Qeqertalik
  - e. Avannaata Kommunia
5. Siunnersuutit tiguneqarsimasut
6. Tamalaat
7. Ataatsimiinnissap tulliata ullulernissaa

**§ 4.** Sumiiffinni siunnersuisartut allattoqarfia Kalaallit Nunaata Politiivisa isumagissavaat. Allattoqarfiup ilaatigut ataatsimiinnernit imaqarniliornerit suliarisassavai.

*Imm. 2.* Imaqarniliaq akuersissutigineqaralliarpat ataatsimiinnerit annerpaamik sapaatit akunneri pingasut qaangiutsinnagit Kalaallit Nunaata Politiivisa nittartagaatigut saqqummiunneqassaaq. Imaqarniliaq ataatsimiinnissami tullermi inaarutaasumik akuersissutigineqartussanngorlugu saqqummiunneqassaaq.

**§ 5.** § 2 - § 4-mi piffissarititaasut avaqunneqarsinnaapput siulittaasup aammalu siulittaasup tulliaata isumaqatigiissutigippassuk, imaluunniit pissutsit immikkut ittut pippata.

**§ 6.** Sumiiffinni siunnersuisartut ataatsimiinnerani oqaatsit kalaallisuujuullutillu qallunaatuujupput. Ataatsimiinnermi oqaatsit atorneqartut siunnersuisartuni ilaasortat tamarmik peqataasullu allat paasinnngippatigik, oqalutsi nutserissaaq.

## **II. Sumiiffinni siunnersuisartut katiterneqarnera**

**§ 7.** Sumiiffinni siunnersuisartuq ima katiterneqarpoq:

- Politidirektøri
- Naalackersuisuni ilaasortaq imaluunniit ilaasortat, inunnik isumaginninnermut, meeqqanut inuusuttunullu kiisalu inatsiseqarnermut tunngasunut akisussaasuusoq/sut
- Avannaata Kommuniani Borgmesteri
- Kommune Qeqertalimmi Borgmesteri
- Qeqqata Kommuniani Borgmesteri
- Kommuneqarfik Sermersuumi Borgmesteri
- Kommune Kujallermi Borgmesteri

*Imm. 2.* Sumiiffinni siunnersuisartuni ilaasortat aaqissuisoqarfiminniit aallartitanik nassarsinnaapput.

**§ 8.** Politidirektøri Sumiiffinni siunnersuisartuni siulittaasuvoq siunnersuisartullu kalaallit oqartussaasuisa akornanni siulittaasup tullia toqqassavaa.

*Imm. 2.* Politidirektøri, kiisalu Naalackersuisuni ilaasortaq imaluunniit ilaasortat, inunnik isumaginninnermut, meeqqanut inuusuttunullu kiisalu inatsiseqarnermut tunngasunut akisussaasuusoq/sut, immikkut tullersortissaminnik taasisapput. Kommuninini ataasiakkaani kommunalbestyrelsesemi ilaasortat akornanni Borgmesterinut tullersortissanik toqqaasoqassaaq.

**§ 9.** Tullersortit ukiut marlukkaarlugit toqqarneqartassapput. Toqqaaneq atorunnaassaaq tullersorti kommunalbestyrelsesemiit tunuarsimappat.



§ 10. Politidirektørimut, Naalakkersuisuni ilaasortamut imaluunniit ilaasortanut, inunnik isumaginninnermut, meeqqanut inuusuttunullu kiisalu inatsiseqarnermut tunngasunut akisussaasuusumut/sunut aammalu borgmesterinut tullersortit Sumiiffinni siunnersuisartut allattoqarfianut nalunaarutigineqassapput piffissaq § 9-mi taaneqartoq qaangiutsinnagu.

### III. Sumiiffinni siunnersuisartut suliassai

§ 11. Sumiiffinni siunnersuisartut suliassaraa innuttaasunut toqqissimatitseqataanissaq, kiisalu ataqatigiissakkamik aammalu ataatsimut isiginnittumik pinerlutsaaliuisitsinissamut suleqatigiinneq.

*Imm. 2.* Politiit sulinerannut aaqjissuunneqarneranullu apeqqutit Sumiiffinni siunnersuisartuni eqqartorneqassapput. Aammattaaq pinerluttarnerup ineriartornera aammalu politiit sumiiffigisamilu inuiaqatigiit suleqatigiinnerat, ilaatigut Najukkami siunnersuisoqatigiiffiup sulnera, Sumiiffinni siunnersuisartut eqqartussavai.

*Imm. 3.* Sumiiffinni siunnersuisartut sukumiinerusumik suliassarai

a) politeeqarfimmi pingaarnertut suleqatigiinnerup aammalu pitsaaliuinerup, ilaatigut pinerlutsaaliuisitsineq, akisussaaffiginissaat.

b) pinerlutsaaliuisitsinerup siammasissumik, suliagarfiit tukimut aammalu immikkoortoqarfiit tukimut eqqarsaatiginissaa.

c) inuiaqatigiinnik innuttaasunillu pinerlutsaaliuisitsinermi sulinermut peqataanerulersitsinissaq.

*Imm. 4.* Politiit, Naalakkersuisut aammalu kommunit, kiisalu pisortaqarfiit allat, soqutigisaqatigiiffiit, peqatigiiffiit il.il. suleqatigiinnissaannut Politidirektøri ukiut tamaasa pilersaarummik (Suleqatigiinnissamut pilersaarummik) suliaqartassaaq. Suleqatigiinnissamut pilersaarut Sumiiffinni siunnersuisartuni eqqartorneqartassaaq kingornalu Kalaallit Nunaata Politiivisa nittartagaatigut saqqummiunneqartassalluni.

*Imm. 5.* Sumiiffinni siunnersuisartuq ukiut tamaasa ukiumut nalunaarusiortassaaq, ilaatigut politiinit pinerlutsaaliuisitsinermut suliagarnermik aammalu ilaatigut politiit, Naalakkersuisut aammalu kommunit suleqatigiinnerat pillugu nassuiaanermik imaqartassalluni. Ukiumoortumik nalunaarusiaq Kalaallit Nunaata Politiivisa nittartagaanni saqqummiunneqartassaaq.

§ 12. Isumaqatigiissutigineqarsimappat Sumiiffinni siunnersuisartuq ataatsimiititaliamik – ilaatigut ataatsimiititaliaq ataavartussaq – pilersinneqassaaq suliassanut aalajangersimasunut suliarinnittussaq.



*Imm. 2.* Ataatsimiititaliaq Sumiiffinni siunnersuisartooq ilaasortanit inuttalersorneqarsinnaavoq, aammalu ataatsimiititaliaq soqutigisaqaqatigiiffinnit attuumassuteqartunit ilaneqarsinnaallunilu inuttalersorneqarsinnaalluni.

*Imm. 3.* Ataatsimiititaliat sulinertik Sumiiffinni siunnersuisartunut ingerlaavartumik paasitsissutigisassavaat.


§ 13. Sumiiffinni siunnersuisartuni imaluunniit ataatsimiititaliami sammisat immikkut ittut suliarinerini, ilaasortat suliamut immikkut attuumassuteqartut aggersarsinnaavaat.

§ 14. Sumiiffinni siunnersuisartut sulinera malittarisassat, eqqartuussisarnermik inatsimmi Kalaallit Nunaannut atuutsinneqartumut malittarisassani § § 62c-62e-mi aalajangersarneqarsimasut, naapertorlugit pissaaq.

§ 15. Malittarisassat Sumiiffinni siunnersuisartut ataatsimiinnerani 21. februari 2024 akuersissutigineqarput.

*Imm. 2.* Malittarisassat 1. aprili 2024 atuutilerput.

  
Bjørn Tegner Bay  
Politik pisortaat  
Sumiiffinni siunnersuisartut siulittaasuat

  
Naaja H. Nathanielsen  
Inuutissarsiornermut, Niuernermut, Aatsitassanut,  
Inatsisit Atuutsinneqarnerannut  
Naligiissitaanermullu Naalakkersuisooq  
Sumiiffinni siunnersuisartut siulittaasup tullia

